

JAMHURI YA MUUNGANO WA TANZANIA

BUNGE LA TANZANIA



ORODHA YA SHUGHULIZA LEO

MKUTANO WA TATU

KIKAO CHA ISHIRINI NA SABA

24 MEI, 2016



ORODHA YA SHUGHULI ZA LEO

MKUTANO WA TATU

KIKAO CHA ISHIRINI NA SABA – TAREHE 24 MEI, 2016

I. HATI ZA KUWASILISHA MEZANI:

WAZIRI WA MALIASILI NA UTALII:

Hotuba ya Bajeti ya Wizara ya Maliasili na Utalii kwa Mwaka wa Fedha 2016/2017.

MWENYEKITI WA KAMATI YA ARDHI, MALIASILI NA UTALII:

Taarifa ya Kamati ya Ardhi, Maliasili na Utalii juu ya Utekelezaji wa Majukumu ya Wizara ya Maliasili na Utalii kwa Mwaka wa Fedha 2015/2016 pamoja na Maoni ya Kamati kuhusu Makadirio ya Mapato na Matumizi ya Wizara hiyo kwa Mwaka wa Fedha 2016/2017.

MSEMAJI MKUU WA KAMBI RASMI YA UPINZANI JUU YA WIZARA YA MALIASILI NA UTALII:

Taarifa ya Msemaji Mkuu wa Kambi Rasmi ya Upinzani juu ya Wizara ya Maliasili na Utalii kuhusu Makadirio ya Mapato na Matumizi ya Wizara hiyo kwa Mwaka wa Fedha 2016/2017.

II. MASWALI:

OFISI YA RAIS (TAMISEMI):

219. MHESHIMIWA DKT. PUDENCIANA WILFRED KIKWEMBE (KAVUU):

Atamuuliza Mheshimiwa Waziri wa Nchi, Ofisi ya Rais (TAMISEMI):- Halmashauri ya Kavuu ni mpya na mapato yake yako chini:-

Je, Serikali ina mpango gani wa kuhakikisha kuwa inawapatia wananchi mawasiliano ya barabara japo kwa kiwango cha changarawe.

**220. MHESHIMIWA HAMIDU HASSAN BOBALI
(MCHINGA):**

Atamuuliza Mheshimiwa Waziri wa Nchi, Ofisi ya Rais (TAMISEMI):- Mkoa wa Lindi umekuwa na shule chache za kidato cha tano na cha sita matokeo yake vijana wanaofaulu kidato cha nne kuingia kidato cha tano hupangiwa shule za mbali:-

Je, ni kwa nini Serikali isifanye utaratibu wa kufanya shule ya Sekondari Mchinga kuwa na uwezo wa kuchukua wanafunzi kuanzia kidato cha kwanza hadi cha sita.

**221. MHESHIMIWA FREDY ATUPELE MWAKIBETE
(BUSOKELO):**

Atamuuliza Mheshimiwa Waziri wa Nchi, Ofisi ya Rais (TAMISEMI):-

Serikali imekuwa ikiahidi kusogeza huduma za afya karibu na wananchi na kuna umuhimu mkubwa wa kuwa na Zahanati kwa kila Kijiji, Kituo cha Afya kila Kata na Hospitali kwa kila Wilaya ili kuwaondolea kero wananchi wanaosafiri umbali mrefu kufuata huduma za afya na wengine kupoteza maisha wakiwa njiani:-

Je, ni lini Serikali itatekeleza mpango huo wa kuwa na Zahanati kwa kila Kijiji, Kituo cha Afya kwa kila Kata na Hospitali kwa kila Wilaya.

OFISI YA MAKAMU WA RAIS (MUUNGANO NA MAZINGIRA):

222. MHESHIMIWA JOYCE BITTA SOKOMBI (VITI MAALUM):

Atamuuliza Mheshimiwa Waziri wa Nchi, Ofisi ya Makamu wa Rais (Muungano na Mazingira):- Mafuriko na uharibifu wa mazingira umewafanya wahanga wa matukio haya kukosa mahitaji muhimu:-

Je, Serikali ina mpango gani wa kudhibiti mafuriko na uharibifu wa mazingira katika Mkoa wa Mara.

WIZARA YA KILIMO, MIFUGO NA UVUVI:

223. MHESHIMIWA VICTOR KILASILE MWAMBALASWA (LUPA):

Atamuuliza Mheshimiwa Waziri wa Kilimo, Mifugo na Uvuvi:- Mwaka 2013 Bunge lilirekebisha Sheria ya Ushirika wa Tumbaku ili iendane na hali ya sasa ya Ushirika huo Nchini:-

Je, ni marekebisho gani yanayowanufaisha wakulima moja kwa moja.

**224. MHESHIMIWA JASSON SAMSON RWEIKIZA
(BUKOBA VIJIJINI):**

Atamuuliza Mheshimiwa Waziri wa Kilimo, Mifugo na Uvuvi:- Kuna kodi zinazofikia 26 katika kilimo cha Kahawa ambazo zimefanya bei wanayopata wakulima wa zao hilo kuwa kidogo sana ikilinganishwa na gharama za kulima na hivyo kuwafanya baadhi ya wakulima kupeleka Kahawa yao nchi jirani ambako bei yake ni nzuri; na kwa kufanya hivyo Nchi inakosa mapato na kudhoofisha zao hilo hapa Nchini na hata Mhe. Rais wa Awamu ya Tano alilikemea jambo hilo kwenye hotuba yake ya kulifungua Bunge Jipya aliyoitoa Bungeni Novemba, 2015:-

Je, ni kwa nini Serikali isiingilie kati na kufuta kodi hizo kandamizi kwa wakulima.

**225. MHESHIMIWA BONIPHACE MWITA GETERE
(BUNDA):**

Atamuuliza Mheshimiwa Waziri wa Kilimo, Mifugo na Uvuvi:- Zao kuu la biashara katika Wilaya ya Bunda ni Pamba lakini viwanda vya kusindika Pamba vya Ushashi *Ginnery* na Kibara *Ginnery* vilivyokuwa vinamilikiwa na MCU (1984) havifanyi kazi tangu Mwaka 1990:-

(a) Je, ni lini Serikali itafufua viwanda hivyo ili wakulima wa Pamba wapate bei nzuri;

(b) Je, Serikali inatoa tamko gani kuhusu uanzishwaji wa viwanda vidogo vidogo vya kusindika Pamba ili kuongeza thamani ya zao hilo.

WIZARA YA VIWANDA, BIASHARA NA UWEKEZAJI:

226. MHESHIMIWA JOSEPHINE TABITHA CHAGULA (VITI MAALUM):

Atamuuliza Mheshimiwa Waziri wa Viwanda, Biashara na Uwekezaji:- Vijana wengi wa Mkoa wa Geita hawana ajira kutokana na ukosefu wa viwanda na hasa ikizingatiwa kuwa sehemu kubwa ya uchumi wa watu wa Mkoa huo unategemea kilimo:-

Je, Serikali ina mpango gani wa kujenga viwanda vya kusindika mazao katika Mkoa wa Geita.

WIZARA YA UJENZI, UCHUKUZI NA MAWASILIANO:

227. MHESHIMIWA JOHN PETER KADUTU (ULYANKULU):

Atamuuliza Mheshimiwa Waziri wa Ujenzi, Uchukuzi na Mawasiliano:- Wananchi wa Jimbo la Ulyankulu kwa muda mrefu wamekuwa wakipata taabu ya usafiri kutokana na barabara zake kuwa mbovu kwa muda wote:-

- (a) Je, ni lini barabara ya kutoka Tabora hadi Ulyankulu itajengwa kwa kiwango cha lami ili kuondoa kero hiyo;
- (b) Je, ni lini barabara ya kutoka Ulyankulu hadi mpakani mwa Kahama itaimarishwa zaidi hata kwa kiwango cha moramu ikiwa ni pamoja na ujenzi wa madaraja.

228. MHESHIMIWA MARYAM SALUM MSABAHA (VITI MAALUM):

Atamuuliza Mheshimiwa Waziri wa Ujenzi, Uchukuzi na Mawasiliano:- Wapo baadhi ya wafanyabiashara wasiokuwa waaminifu ambao wamekuwa wakitumia Bandari 'bubu' ili kukwepa kodi na kusababisha Serikali kukosa mapato:-

- (a) Je, Serikali ina mkakati gani wa kudhibiti wafanyabiashara hao wanaotumia Bandari bubu;
- (b) Je, ni wafanyabiashara wangapi waliokamatwa katika Bandari bubu na kufikishwa Mahakamani.

III. HOJA ZA SERIKALI:

WAZIRI WA MALIASILI NA UTALII:

Kwamba, Bunge sasa likubali kujadili na kupitisha Makadirio ya Mapato na Matumizi ya Wizara ya Maliasili na Utalii kwa Mwaka wa Fedha 2016/2017.

**DODOMA
24 MEI, 2016**

**DKT. T. D. KASHILILAH
KATIBU WA BUNGE**

